

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: He ringa toi, he ringa rehe

Aronga: Toi Ataata 1.2A

Paerewa Paetae: Toi Ataata 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka rangahau, ka uiui hoki koe i tētahi ringatoi mō āna tukanga waihanga toi.

Te horopaki

Ko tāu nā mahi he whakarite whakaaturanga mō ngā tukanga toi a tētahi ringatoi nō tōu iwi.

Māu anō e kōwhiri, e rangahau, e uiui hoki taua ringatoi kia ako ai koe i ngā tukanga e whāia ana e ia.

Ka aromatawaingia tāu whakaatu māramatanga ki ngā tukanga toi e whāia ana e taua ringatoi i roto i āna mahi.

Hei mahi

Kōwhiria tētahi ringatoi nō tōu ake iwi. Kimihia, rangahaua hoki ētahi mahinga toi nāna anō i waihanga, hei tiroiro, hei wetewete māu. Āta tirohia ngā āhuatanga o āna mahi, kia waia haere koe ki ngā mahi a te ringatoi nei, kia whakarite koe i a koe anō mō te taha uiui.

Tuhia tētahi ohia manomano hei wānanga i ōu whakaaro. Nō konei ka whakaraupapa i ōu whakaaro, ka nahanaha i tētahi rārangi pātai mō te uiui e hāngai ana ki ngā mahi a te ringatoi, me ngā tukanga e whāia ana e ia. Whakaritea te uiui, ā, āta hopukina ngā kōrero katoa, mā te tuhi rānei, mā te mīhini hopu reo rānei.

Whakaritea tāu whakaaturanga. Whakaurua ngā kōrero whakataki mō te ringatoi nei, ngā whakaahua/pikitia o āna mahi tae atu ki ngā kōrero mō ngā tukanga e whāia ana e ia i roto i āna mahi.

Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga katoa tērā e hāngai ana ki ngā mahi a te ringatoi.</p>
-------------	---